

SPORAZUM

O IMPLEMENTACIJI ENTITETSKIH OBAVEZA IZ KONAČNE ARBITRAŽNE ODLUKE ZA BRČKO KOJE SE ODOSE NA ZDRAVSTVENU ZAŠTITU I ZDRAVSTVENO OSIGURANJE

Vlada Brčko Distrikta Bosne i Hercegovine koju zastupa
gradonačelnik Siniša Kisić

Vlada Federacije Bosne i Hercegovine koju zastupa
premijer Edhem Bičakčić

Vlada Republike Srpske koju zastupa
potpredsjednik Vlade Ostoja Kremenović

pod pokroviteljstvom zamjenika visokog predstavnika i supervizora za
Brčko, ambasadora Gary Matthews

U cilju provođenja Konačne arbitražne odluke izdate od strane Međunarodnog arbitražnog tribunala za Brčko, od 5. marta 1999. i uspostave Brčko Distrikta Bosne i Hercegovine (u daljem tekstu: Brčko Distrikt) kao jedinstvene administrativne jedinice pod isključivim suverenitetom Bosne i Hercegovine;

Podržavajući integraciju sistema zdravstvene zaštite na teritoriji Brčko Distrikta;

Uvažavajući potrebu poboljšanja usluga zdravstvene zaštite i obezbjeđenja korišćenja tih usluga pod istim uslovima od strane svih stanovnika Distrikta,

A u skladu sa Memorandumom o razumijevanju od 19. septembra 2000. godine,

Potpisuju slijedeći

SPORAZUM

1. Vlada Federacije Bosne i Hercegovine i Vlada Republike Srpske (u daljem tekstu: Entiteti) obavezuju se da će izmiriti sve obaveze prema zdravstvenim ustanovama u Brčko Distriktu nastale prije 31. marta 2000. godine;
2. Doprinosi za zdravstvenu zaštitu prikupljeni na teritoriji Brčko Distrikta biće zadržani u Distriktu i korišćiće se od strane Vlade Distrikta u cinju integracije i poboljšanja sistema zdravstvene zaštite u Distriktu;
3. Novčana sredstva za zdravstvenu zaštitu prikupljena na teritoriji Brčko Distrikta poslije 31. marta 2000. godine koja su doznačena entitetima u skladu sa Nalogom supervizora od 21.juna 2000., biće vraćena Brčko Distriktu;

4. a) Entiteti se obavezuju da će plaćati doprinose za zdravstvenu zaštitu penzionera, ratnih veterana, ratnih vojnih invalida, raseljenih osoba, ukoliko ova lica nisu osigurana po nekoj drugoj osnovi, a u skladu sa praksom u entitetima;
- b) Entiteti se obavezuju da će plaćati doprinose za zdravstvenu zaštitu za nezaposlene u skladu sa važećim propisima dok Brčko Distrikt ne preuzme zavode za zapošljavanje, a u skladu sa praksom u entitetima;
5. Stope doprinosa za zdravstvenu zaštitu će biti usklađene unutar Brčko Distrikta;
6. Entiteti neće potraživati naknadu za usluge tercijarne zdravstvene zaštite koje su pružili građanima Brčko Distrikta u periodu od 31. marta 2000. do datuma potpisivanja ovog sporazuma, ali ne kasnije od 31. decembra 2000;
7. Brčko Distrikt donijeti će hitno zakone iz područja zdravstvene zaštite i zdravstvenog osiguranja;
8. Brčko Distrikt će, što je pre moguće, osnovati Fond zdravstvenog osiguranja koji će započeti rad 1. januara 2001. godine;
9. Brčko Distrikt će ustanoviti mrežu zdravstvenih kapaciteta u skladu sa postojećom demografskom strukturom stanovništva;
10. Brčko Distrikt će harmonizirati postojeće entitetske standarde i normative zdravstvene zaštite koji se primenjuju na području Brčko Distrikta;
11. Obaveze iz članova 1, 3, 5 i 6, kao i drugi tehnički detalji u vezi sa ovim sporazumom, biti će precizirani i ispunjeni u roku od trideset dana od dana potpisivanja ovog sporazuma.

Brčko, 24. oktobar 2000.



za Vladu Brčko Distrikta,
gradonačelnik Siniša Kisić



za Vladu Federacije Bosne i Hercegovine,
premijer Edhem Bičakčić



za Vladu Republike Srpske,
podpredsjednik Vlade Ostoja Kremenović



zamjenik visokog predstavnika, supervizor za Brčko
ambasador Gary Matthews